

ACTA DA SESIÓN EXTRAORDINARIA REALIZADA POLA XUNTA DE GOBERNO LOCAL O DÍA 2 DE XANEIRO DE 2019.

PRESIDENTE:

O alcalde, D. José Ramón Rioboo Castro

ASISTENTES:

D. Diego Antonio Taibo Monelos
D.^a M^a Guadalupe Pombo Carril
D.^a M^a del Carmen Varela Corbelle
D. Juan Carlos Iglesias Lovelle
D.^a Marta M^a Iglesias Becerra
D. Miguel Suárez García
D.^a Marta M^a Figueroa Fuentes

SECRETARIA XERAL:

D.^a Pilar M^a Pastor Novo

Na Casa Consistorial do Concello de Culleredo (A Coruña), sendo as trece horas e cinco minutos do día dous de xaneiro do ano dous mil dezanove, reúnese a Xunta de Goberno Local, en primeira convocatoria, co obxecto de celebrar sesión ordinaria baixo a Presidencia do Sr. alcalde, D. José Ramón Rioboo Castro, e coa asistencia dos/as Sres./as concelleiros/as, D. Diego Antonio Taibo Monelos, D.^a M^a Guadalupe Pombo Carril, D.^a M^a del Carmen Varela Corbelle, D. Juan Carlos Iglesias Lovelle, D.^a Marta M^a Iglesias Becerra, D. Miguel Suárez García e D.^a Marta M^a Figueroa Fuentes.

Actúa como secretaria a Sra. secretaria xeral, D.^a Pilar M^a Pastor Novo.

A Presidencia, tras comprobar nos termos expostos que se dá o quórum legalmente esixido polo artigo 107 do Regulamento Orgánico Municipal (BOP núm. 162 do 16-07-2004) para a válida celebración das sesións, declara aberta a sesión, pasándose ao estudo e exame dos asuntos incluídos na orde do día da convocatoria.

1.- APROBACIÓN DA ACTA DA SESIÓN EXTRAORDINARIA REALIZADA O DÍA 26 DE DECEMBRO DE 2018.

De conformidade co preceptuado no artigo 79.1 e 107.4 do ROM, (BOP núm. 162 do 16-07-2004) a Presidencia pregunta se existe algunha obxección ou observación á acta da sesión extraordinaria celebrada o día vinte e seis de decembro de dous mil dezaioito, da que se entregou copia do borrador coa convocatoria desta sesión, e non producíndose ningunha, pola Presidencia sométese a votación ordinaria a súa aprobación, sendo aprobada por unanimidade.

Á vista do resultado da votación, declárase aprobada a acta da sesión extraordinaria realizada o día 26 de decembro de 2018.

2.- DACIÓNS DE CONTA.

2.1.- ESCRITOS E COMUNICACIÓNS. PUBLICACIÓNS OFICIAIS.

A Presidencia dá conta aos asistentes á Xunta de Goberno Local das seguintes publicacións:

Publicacións:

- Anuncio de licitación da Dirección Xeral de Estradas. Obxecto: Execución de diversas operacións nas estradas: AC-11; AC-12; FE-11; FE-12; FE-13; FE-14; FE-15; N-550; N-VI; N-Vía; N-634; N-651; N-655; FE-12. Provincia da Coruña. Expediente: 51-LC-0105; 30.6/18. BOE núm. 314 do 29-12-2018.
- Resolución do 14 de decembro de 2018, da Axencia Galega de Desenvolvemento Rural, pola que se convocan, mediante tramitación anticipada de gasto, subvencións para a execución de proxectos ao abeiro da submedida 19.2, Apoio para a realización de operacións conforme a estratexia de desenvolvemento local participativo, da media Leader do Programa de desenvolvemento rural de Galicia 2014-2020, para as anualidades 2019 e 2020, cofinanciadas co Fondo Europeo Agrícola de Desenvolvemento Rural. DOG núm. 245 do 26-12-2018.
- Orde do 3 de decembro de 2018, da Consellería de Cultura e Turismo, pola que se establecen as bases reguladoras da subvención a entidades locais de Galicia para a dotación de novidades editoriais en galego en formato físico e para a mellora das coleccións bibliográficas, con destino ás bibliotecas e/ou axencias

Código do documento	Código do expediente
USG13I0002	USG/2018/216
Código de Verificación Electrónica (COVE)	
	
3P3X 0F4Q 2U3Y 2J6R 0T2L	

de lectura públicas de titularidade municipal, integradas na Rede de bibliotecas públicas de Galicia, e se procede á súa convocatoria para o ano 2019. DOG núm. 246 do 26-12-2018.

- Orde do 14 de decembro de 2018, da Consellería de Medio Ambiente, Territorio e Vivenda, pola que se establecen as bases reguladoras para a concesión de axudas a entidades locais de Galicia para o financiamento de actuacións en materia de residuos de competencia municipal, cofinanciadas polo Fondo Europeo de Desenvolvemento Rexional con cargo ao programa operativo Feder Galicia 2014-2020, e se procede á súa convocatoria en réxime de concorrencia competitiva para o ano 2019, tramitadas como expediente anticipado de gasto (código de procedemento MT975I). DOG núm. 246 do 27-12-2018.
- Orde do 17 de decembro de 2018, da Vicepresidencia e Consellería de Presidencia, Administracións Públicas e Xustiza, pola que se regulan os criterios de repartición e se establecen as bases reguladoras e a convocatoria de subvencións da liña en concorrencia non competitiva e da liña en concorrencia competitiva do Fondo de Compensación Ambiental para o ano 2019, de forma individual e mediante o sistema de xestión compartida, destinadas a entidades locais de Galicia. DOG núm. 248 do 31-12-2018.
- Orde do 18 de decembro de 2018, da Vicepresidencia e Consellería de Presidencia, Administracións Públicas e Xustiza, pola que se establecen as bases reguladoras e se convocan subvencións para a creación e/ou mellora das infraestruturas, dotacións, instalacións e equipamentos vinculados á prestación de servizos municipais, destinadas a concellos de Galicia para o ano 2019, de forma individual e mediante o sistema de xestión compartida. DOG núm. 248 do 31-12-2018.
- Orde do 17 de decembro de 2018, da Vicepresidencia e Consellería de Presidencia, Administracións Públicas e Xustiza, pola que se establecen as bases reguladoras e a convocatoria de subvencións para o ano 2019, en réxime de concorrencia non competitiva, dentro do Plan específico de acción comunitaria destinado a asociacións veciñais, confederacións, federacións ou unións de asociacións de veciños, comunidades de usuarios de augas e asociacións de mulleres rurais de Galicia. DOG núm. 1 do 02-01-2019.
- Resolución do 26 de decembro de 2018, da Deputación Provincial da Coruña –Tesourería e Xestión de Tributos –Servizo de Xestión Tributaria-, pola que se aproba o procedemento de autorización para a execución de obras, instalacións ou a realización de calquera outra actividade na zona de protección das estradas da rede da titularidade da Deputación Provincial da Coruña. BOP núm. 247 do 28-12-2018.
- Anuncio do 21 de decembro de 2018, do Concello de Culleredo, de exposición pública dos padróns fiscais da taxa pola prestación do servizo de distribución de auga e polo servizo de depuración de augas residuais, así como do canon da auga correspondente ao 4º trimestre de 2018. BOP núm. 248 do 31-12-2018.
- Anuncio do 26 de decembro de 2018, do Concello de Culleredo, relativo á aprobación da oferta de emprego público para o exercicio 2018. BOP núm. 247 do 28-12-2018.

C.I.F. P-1503100-H

2.2.- RESOLUCIÓNS E ACTIVIDADES DA ALCALDÍA E DAS DISTINTAS CONCELLERÍAS DELEGADAS.

2.2.1.- O Sr. Suárez Garica dá conta á Xunta de Goberno Local da seguinte actividade da Concellaría delegada da Área de Deportes e Ocupación do Tempo Libre:

“Apertura do prazo de inscrición na “CAMPAÑA DE INVERNO 2019” que abarca **dende o 3 ata o 10 de xaneiro de 2019**. A Campaña organizada pola Deputación da Coruña terá lugar na estación invernal de Cabeza de Manzaneda (Ourense).

A quenda que lle corresponde ao concello de Culleredo é a 2ª QUENDA, dende o 01/02/2019 ó 04/02/2019.

Dita campaña está dirixida a nenos e nenas de 11 a 15 anos inclusive (cumpridos a 31 de decembro de 2019).

O prezo de inscrición é de **85,00 € (oitenta e cinco euros)** e os participantes deberán estar empadroados en Culleredo.

Código do documento	Código do expediente
USG13I0002	USG/2018/216
Código de Verificación Electrónica (COVE)	
	
3P3X 0F4Q 2U3Y 2J6R 0T2L	

Ó concello de Culleredo se lle adxudican **12 PRAZAS**. En caso de ter máis solicitudes que número de prazas concedidas, realizarase un sorteo público para adxudicar as mesmas. **Terán preferencia os/as rapaces/zas que non foran a ningunha campaña de neve da Deputación.**

As inscricións deberán presentarse segundo o modelo da Deputación da Coruña, no rexistro xeral do Concello (Casa Concello Tarrío) ou no rexistro auxiliar sito no Edificio de Servizos Múltiples (O Burgo) ou en calquera outra forma prevista na Ley 39/2015, de 1 de outubro, do procedemento administrativo común das Administracións Públicas.”

3.- ROGOS E PREGUNTAS.

Non se formulan.

E non existindo máis asuntos dos que tratar, a Presidencia levanta a sesión, sendo as trece horas e dez minutos do mencionado día, estendéndose para a debida constancia a presente acta do que eu, secretaria xeral, dou fe.

Visto e praxe
O alcalde
(Asinado dixitalmente)

(Asinado dixitalmente)

C.I.F. P-1503100-H